



LUNCH BREAK live mixing by **BIG RIG**
 every lunch break from 12 to 1pm
 58331000
 www.coolaruba.com
 COOL FM 98.9
 BIG RIG

Awe nochí Edjean ta lansa su tema promocional pa e temporada di 2006!!!

Segun informacion cu Klip Klap ta dispone di dje ta indica cu awe nochí den e programa “Na Drempele di Fin di Aña”, e hoben cantante, orguyo di Aruba, Edjean Semeleer lo estrena su tema promocional pa lora ta bira e temporada di fin di aña pa 2006.


E aña aki si Edjean ta sorpresa tur hende lanzando su produccion ya caba otro siman, esta Diarason dia 18 di October.

E hoben talento aki ya caba pa 3 aña tras di otro a brinda nos cu hoyanan di produccion manera “Hey...ta Pasco!” vol.1, “Hey...ta Pasco!” vol. 2 y “Hey...ta Pasco!” vol.3. Pero e aña aki e tin un regalo special pa Aruba! Pa cu e CD mes e no kier a divulga mucho y el a recomenda pa

tur hende ta pendiente. Un pista cu Edjean a duna nos ta cu e produccion aki no ta uno usual, e ta un regalo special prepara pa e pueblo di Aruba y Antiyas.

Ora nos papia di produccion di Edjean Semeleer nos ta papia di produccion nan di un calidad hopi halto, cu cada biaha ta conta cu participacion di profesionalnan cu ta traha cu alma y curason pa brinda Aruba, e mihor den calidad. E aña aki no ta excepcion. Y ora nos papia di profesionalnan nos ta haña un Ivan Quandus, Hildward Croes, Johnny Scharbaay, Doodle Sophia, Juan Carlos Petit, Delbert Bernabela, Martin Buitengeweg, entre otro.

Mirando e coleccion di calidad



di Edjean, semper ta keda e expectativa ta ki sorpresa Edjean ta bin cune atrobe y awe nochí Aruba completo ta keda cordialmente invita pa scucha y disfruta di su tema promocional pa e temporada di 2006.

Riba e pregunta pakico e biaha aki el a dicidi di estrena su cancion y lansa su CD asina trempa, Edjean a conta nos cu normalmente su produccion nan ta sali casi na comienzo di December. Y e aña aki e kier a trece un cambio den esey. “Mas trempa e produccion sali riba mercado, mas tempo

Aruba tin pa disfruta di dje, pa custuma / familiariza su mes cune y claro, mas cu logico, mas tempo abo como cantante tin pa bende bo produccion. Tin mas motibo, pero tur esaki mi lo laga pendiente te cu dia 18 di October! E aña aki tin un regalo extra y hopi special pa Aruba!”

Klip Klap tabata tin e honor di por a scucha parti di e cancion promocional y nos por bisa cu atrobe Edjean lo laga su stempel atras pa cu e temporada di fin di aña.

Locual cu Edjean a conta nos

ta, cu e tema ta un composicion di e maestro Chucho Hoek. Grabacion a tuma lugar na IQ Music Lab y e aña aki e areglo ta den man di Maikol Lugo. Mesun mucha homber cu a aregla e tema tan gusta di aña pasa, esta “Yen di Energia”.

Klip Klap kier a gradici Edjean pa su tempo y tambe kier a desea Edjean tur clase di exito pa awenochí cu e estreno di su tema promocional y disco compacto cu ta na caminda. Nos ta spera di por tende hopi mas di dje durante e temporada aki.

